



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1858**

2474. Kurfürst Joachim verschreibt sich dem Hochmeister von Preußen in  
einer eigenhändigen Urkunde zum Beistande gegen Polen, am 28.  
November 1517.

---

---

**Nutzungsbedingungen**

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

2474. Kurfürst Joachim verschreibt sich dem Hochmeister von Preußen in einer eigenhändigen Urkunde zum Beistande gegen Polen, am 28. November 1517.

Auff heuth Sonabent nach katherine virginis, Anno 1517<sup>mo</sup>. haben wir Joachim, von gots gnaden Marggraff zu Brandemborch, churfürst etc., dem hochwerdighen, hochgebornen fursten, vnsern fruntlichen lieben vettern, heren Albrecht, deutschen Ordens hoemeister, Marggraffen zu Brandenborch etc. zugesagt, hulff zu thun, So es von S. L. bey vns zukunfftig gesucht vnd gebeten wirt, widder die Cron zu Polen etc., wye hirnach volget vnd also nemlich, das wir S. L., wen wir von derselben drey monat zuuor erfucht werden, schigken wollen funfhundert gerulter Pferde wff vnsern Pferdeschaden vnd seyner lieben costen vnd gefangen schaden, wie solchs krieges gewonheit ist, Dar zu Sechs hundert zu fusse wff vnser verfoldung vnnnd auch seyner lieben costen, acht monat lang die nechsten nocheynander, Also das die rechnung der acht monat sich anheben soll, So balde die vnsern hyr aus vnserm lande zchien vnnnd die fremde grenitz errechen werden, vnnnd sollen och widderumb von S. L. so zcheitlich verlassen werden, das sye mit aufgange des achten monates vnser landt beqwemlich widder errechen mogen. Wurd es aber sach, das der krigk eder S. L. widderwertikeit Sich in die harre vnd lenge verzchege vnnnd S. L. noddorfft erforderte, vns anderwart vmb hulff zu erfuchen, So wollen wir S. L. auff das ander Jar nach heymkunfft der vnsern abermals uff vnsern Pferdeshaden vnd S. L. Costen, Futurung vnd gefangenschaden, wie allenthalben von den funfhundert pferden hiroben vormeldet ist, Sechs monat noch dreyhundertt gerulste Pferde schigken, mit desem bescheydt, wen die vnsern an vnser lant grenitz kommen, das vnser fruntlicher lieber vetter, der hoemeister, Sye lasse doselbst annemen, vnd so balde Im ersten Nachtleger Innen aufrichtung thun lasse. Dergleichen soll es mit den vnsern jn der widderreyffe mit der aufrichtung vnd vorforgung von S. L. byfz widdervmb In vnser landt auch gehalten werden. So wil och vnser lieber vetter, der hoemaister, da vor seyn, das dye vnsern durch vnser ohem, des herzhogen vonn Stetyn etc. landt hyn vnnnd widder freyen palz vnnnd durchzog haben sollen, Oder ob das entstunde an andern ortten, dar sye zu S. L. vngeferlich kommen mogen. Des zw vrkundt haben wir dese zchedel mit vnser hant geschreiben vnd ist geschen zu Coln an der Sprew, Im Jare vnd tage, wye obgemeldet.

Nach gleichzeitiger Niederschrift.